

萬 有 文 庫

第 二 集 七 百 種

王 雲 五 主 編

司 馬 文 正 公 傳 家 集

(二)

司 馬 光 撰

商 務 印 書 館 發 行

司馬正文公傳家集

(二)

司馬光撰

國學基本叢書

司馬文正公傳家集卷第七

律詩二

歸田詩

同年張周輔嘗語及仕宦之多端。因稱仲長子有言。使吾有良田美宅。背山臨流。適意極樂。誠無事於此。慨然感之。作歸田詩五章。

秋水風波大。嗟嗟未可游。漁樵自應樂。珪組爲誰憂。直木知先伐。明珠忌暗投。果然鉤可曲。不惜取封侯。絳冕誠虛器。簪裳悉畏塗。觸機身未保。好直道先孤。甌石曾何有。田園浪更無。可能推兩耜。沮溺共爲徒。聖哲雖云遠。遺文幸未亡。沈冥觀禮樂。髣髴見虞黃。雞黍延三逕。琴書樂一堂。逍遙名教內。富貴亦微茫。松菊陶潛宅。蓬蒿仲蔚家。行游筇杖瘦。嘯傲幅巾斜。屋小疎茅覆。門深亂柳遮。村童迎客至。竹箒掃桃花。桑柘綠無際。田閒戴勝飛。清醪迎社熟。鳴雉向春肥。執耒時將急。銜盃日漸稀。四鄰能共樂。招飲莫相違。

詠史三首

不事王侯者。翛然鄭子真。開田谷口美。荷鋤白渠春。德化移鄉曲。聲光動搢紳。一時鐘鼎貴。磨滅彼何人。延陵腰利劍。上國使初通。待我周游徧。逢君遺奠終。晶瑩繫高樹。蕭瑟動寒風。誰敢欺生死。蒼蒼照爾衷。

春風三閣上。珠翠日紛紛。樂飲陶江月。清歌過海雲。醉中失陳國。夢裏入隋軍。玉樹庭花曲。淒涼不可聞。

秋夜望月

萬里氛昏歇。金波秋更明。星連河渚闇。風繞桂枝生。鳩鵲臨華館。新豐落故城。古今佳賞盡。殊自有餘清。

漢宮詞

苜蓿花猶短。蒲萄葉未齊。更衣過柏谷。走馬宿棠梨。逆旅聊懷壘。田間共鬪雞。猶思飲雲露。高舉出虹蜺。

讀漢武帝紀

方士陳仙術。飄飄意不疑。雲浮仲山鼎。風降壽宮祠。止藥行當就。殊庭庶可期。蓬萊何日返。五利不吾欺。

詠寒士

洋洋泌水側。蓬室苦蕭條。衣薄難勝夜。廚閑空過朝。笑談東郭履。歌誦買臣樵。但問才何似。無疑卿相遙。

野廟

古廟崩榱在。樵閒雜樹荒。依稀設餘像。寂寞闕祠堂。舊日牲殺地。今晨狐兔鄉。英靈如未滅。何以度淒涼。

呂祿廟

赤帝祚四百。徒然諸呂謀。出游逢友賣。未返見家收。敵冢昔無託。遺祠今幸留。士心俱左袒。何怨曲周侯。

梅花三首

從與夫君別。寒花幾度春。坐愁芳樹老。況乃鑑中人。
塞北爲君戍。江南是妾家。遙知關外雪。正似嶺頭花。
驛使何時發。憑君寄一枝。隴頭人不識。空向笛中吹。

雲際亭

高齊杳冥際。迥與世塵遠。席上山河近。天邊桑柘微。人閒已飄灑。棟裏始紛霏。草樹收殘照。逍遙久未歸。
和孫器之清風樓

賢侯宴枚馬。歌鼓事繁華。晚吹來千里。清商落萬家。平原轉疎雨。遠樹隔殘霞。宋玉雖能賦。還須念景差。
先春亭

園林近鈴閣。旦夕被仁風。自得芳菲早。豈將疎遠同。冰開半塘綠。雨借數枝紅。會待韶光徧。還應到野叢。
沈陰欲雪與同列會飲南齋

簿領日沈迷。從容樂事稀。賓朋幸相值。樽酒不須違。慘澹愁雲積。參差遠樹微。淹留勿輕散。待取雪花飛。
五哀詩 井序

孔子惡利口之覆邦家者。甚矣讒之爲害不可一二數也。聊觀戰國以來。楚之屈原。趙之李牧。漢之晁錯。馬援。齊之斛律光。皆負不世之才。竭忠於上。然卒困於讒。不能自脫。流亡不得其所。

而死。或者國隨以邱墟。此其尤可大哀者也。因卽其事作五哀詩。且以警後世云。

屈平

白玉徒爲潔。幽蘭未謂芳。窮羞事令尹。疎不忘懷王。冤骨消寒渚。忠魂失舊鄉。空餘楚辭在。猶與日爭光。

李牧

椎牛饗壯士。拔距養奇材。虜帳方驚避。秦金已闕來。旌旗移幕府。荆棘蔓叢臺。部曲依稀在。猶能話郭開。

晁大夫

人主恩猶盛。讒夫弄舌端。旋聞就斧質。不得解衣冠。反虜齒纔冷。謀臣心盡寒。晁宗瞧類盡。漢室泰山安。

馬伏波

漢令班南海。蠻兵避鬱林。天涯柱分界。徼外貢輸金。坐失姦臣意。誰明報國心。一棺忠勇骨。漂泊瘴煙深。

斛律丞相

君臣日荒宴。歌舞諱言愁。老相猶當國。強鄰不敢謀。謠言雖未出。姦謗已先流。誰察忠臣意。通宵抱膝憂。

遺興

京洛紅塵裏。閉門常獨居。雖無守道愧。終與趣時疎。文舉徒飛表。曹邱懶挾書。誰憐從宦久。不及策名初。待免謀真拙。屠龍藝亦虛。何當治歸計。松菊繞吾廬。

關吏

轍車羸馬犯塵泥。愁到朱門徧徧辭。相國舍人難驟見。將軍馬監豈相知。因循歲月勞何補。顛倒風埃辱固宜。惆悵東岡舊陂在。素心空負白雲期。

山家

林下脫雙履。窗邊挂幅巾。閒堂風掩戶。斷嶺月窺人。

風

隴首紅旌急。罇前翠幕重。林端翻遠刹。花外轉疎鐘。夜寂清機發。春闌別意濃。如何玉琴韻。併欲在青松。

金山寺

香刹冠嵯峨。松門絡薜蘿。風清塵不到。岸闊鳥難過。欲雨江聲怒。新晴海氣多。行舟未搖棹。回望隔煙波。

出塞

邊草荒無路。星河秋夜明。卷旗遮虜塞。歇馬受降城。霜重征衣薄。風高戰鼓鳴。將軍功未厭。士卒不須生。

古松

摧頽巖壑閒。磊落得天頑。香葉低漸水。餘根倒挂山。白猿窺子落。黃鶴認巢還。不久應爲石。莓苔舊已班。

故絳城

文公恢霸略。征討輔周衰。奕世爲盟主。諸侯聽會期。山河表裏在。朝市古今移。欲訪禱祈處。鄉人亦不知。

塞上四首

節物正防秋。關山落葉稠。霜風壯金鼓。霧氣溼旌裘。未得西羌滅。終爲大漢羞。慙非班定遠。棄筆取封侯。鴻鴈秋先到。牛羊夕未還。旌旗遙背水。亭堠遠依山。落日銜西塞。陰煙澹北關。何時獻戎捷。鞍甲一朝閑。瀚海秋風至。蕭蕭木葉飛。如何逢漢使。猶未寄征衣。不歎千里遠。難甘一信稀。年年沙漠鴈。隨意得南歸。劍客蒼鷹隊。將軍白虎牙。分兵邏圍水。縱騎獵鳴沙。浪有書藏袖。難憑信達家。不堪聞曉角。吹盡落梅花。

黃柑

黃金纒縹蒂。搖落楚江涯。采助杯盤勝。羞將橘柚偕。時移香不變。物遠味尤佳。欲種滄洲樹。何年此意諧。晉陽三月未有春色

柳溪對雪

天心均煦嫗。物態異芬芳。上國花應爛。邊城柳未黃。清明空改火。元已漫浮觴。仍說秋寒早。年年八月霜。春風不勝雪。散漫度龍沙。密映緣谿柳。爭飛亂眼花。鳴夷賒美酒。油壁繫輕車。塞下芳菲晚。聊將當物華。

酪羹

軍廚重羊酪。饗士舊風傳。不數紫葍滑。徒誇素鮪鮮。爓蠹煩捫取。勺藥助烹煎。莫與吳兒說。還令笑茂先。

奉同道矩謝始平公惠硯

爵臺今已傾。飄瓦出蕪城。還入縑緗用。尤資筆墨精。相君憐古物。內史擅書名。聊用飛軍檄。何愁楮墨平。

陪始平公燕柳谿

谿光不動柳風輕。玉帳森沈擁萬兵。鷗入煙中閑自舞。魚翻波面喜相迎。樓船下視晴天碧。鼓吹前驅遠陌清。桃李歸時應盛發。薰然和氣滿春城。

到并州已復數月率爾成詩

忽忽此何地。經時更自猜。深疑醉裏得。復似夢中來。薄宦真何益。浮生信可咍。鵬蜩定有分。不若寸心灰。

和道矩送客汾西邨舍杏花盛開置酒其下

田家繁杏壓枝紅。遠勝桃夭與李穠。何事偏宜閑處植。無端復向別時逢。林閒暫繫黃金勒。花下聊飛碼碯鐘。會待重來醉嘉樹。只愁風雨不相容。

北軒老杏其大十圍春色向晚止開一花予憫其憔悴作詩嘲之

春木爭秀發。嗟君獨不材。須慙一花少。強逐衆芳開。頑豔人誰采。微香蝶不來。直爲無用物。空爾費栽培。

杏解嘲

造物本非我。榮枯那足言。但餘良榦在。何必豔花繁。壯麗華林苑。歡娛梓澤園。芳菲如可采。豈得待君軒。

寄陝西提刑江學士

明主矜庶獄。選才從本朝。鄼侯三尺律。漢使一封帑。郡國清名滿。關河古意饒。淒涼乘障客。華髮日蕭蕭。
從始平公城西大閱

滄溟浴日照春臺。組練光中玉帳開。汾水騰凌金鼓震。西山宛轉旆旌迴。逍遙靜散晴空雨。叱咤橫飛迴野雷。坐鎮四夷真漢相。武侯空復道英才。

陪諸君北園樂飲

浩歌縱飲任天機。莫使歡娛與性違。玉枕醉人從獨臥。金羈倦客聽先歸。須知會府閑時少。況復邊城樂事稀。花卉正濃風日好。今年已不負春暉。

和道矩紅梨花二首

繁枝細葉互低昂。香敵醱醑豔海棠。應爲窮邊太寥落。併將春色付穠芳。
蜀江新錦濯朝陽。楚國纖腰傅薄粧。何事白花零落早。同時不敢鬪芬芳。

和懋賢聞道矩小園置酒助以酒果副之以詩

芙蓉幕下惜餘閑。不使芳華取次殘。珍果醇醪與新句。併將佳味助清歡。
數日不至後圃今晚偶來芳物都盡率然成詩

爛漫不解賞。飄零空慘悽。殘紅正滿地。不忍踏芳蹊。

和樂道自河外南轅過宜芳雨晴和氣景物可愛馬上偶成

京洛春應老。河邊初解顏。碧浮煙際草。翠滴雨餘山。目極褰帷外。詩成攬轡閒。滿川桃李色。共喜傳車還。

夏日

窮邊已深夏。氣色耿清秋。鮮旭開山郭。涼煙澹戍樓。兜鈴烽火息。區脫虜塵收。迨此軍中暇。無妨文雅游。

晨發故關寄逢吉

畫戟衣中趨絳帳。驛亭門外拂征鞍。已嗟漂泊三年別。更負從容十日歡。煖席未窮談笑樂。陟岡相望滯留難。揚鞭策馬幾多意。原上秋風作曉寒。

中秋夜始平公命與考校諸君置酒賦詩

月華秋色兩鮮新。萬里澄空不受塵。兔濯素毛騰浩露。桂飄香實下飛輪。光侵酒面寒無力。清入詩毫健有神。坐客何須辭醉倒。相君應不惜車茵。

病酒呈晉州李八丈

身如五嶺炎蒸裏。心似三江高浪中。誰道醉鄉風土好。舟車常願不相通。

和李八丈小雪同會有懷鄰幾

天祿淹回德齒尊。整留汾曲兩朱轡。閑軒坐嘯正飛雪。同舍倦游來及門。空歎高歌如郢客。愧無佳賦似文園。坐中猶欠鄰幾在。深負棊枰與酒樽。

三月晦日登豐州故城

春盡蕪城天一涯。白榆生莢柳生花。滿川戰骨知誰罪。深屬來人戒覆車。

寄品之美

之美時監
韶州錢監

去歲雙毛白。今春一齒零。人生浮似葉。客宦泛如萍。塞上貂裘敝。天涯海氣腥。何當占箕穎。蕭散並柴扃。

又寄

心目悠悠逐去鴻。別來容易四秋風。莫嗟密密書連紙。萬里經年信一通。

和錢學士公

輔公呈邵興宗

霜露蒼蒼宰樹高。累茵列鼎重鴻毛。兼葭自幸猶依玉。鶻髀何能學奏刀。才薄無由裨覆燾。命奇不得報劬勞。光仕始周歲
二親繼喪平生念此心先亂。蓼蓼難分莪與蒿。

曉思

束帶朝尙早。蓬門未脫屣。短籬潛落月。老樹帶孤星。隱几貂裘黑。開編竹簡青。子雲非執戟。何以得窮經。

錢君倚示詩有歸吳之興爲詩三十二韻以贈

吳越爲君土。嶠函是我家。濯纓從吏事。傾蓋聚京華。奕世交朋重。二先君景德二年同進士同僚分誼加。光與君倚崇文吏部

開封皆同官聲光嘗耳剽。臭味辱肩差。選士參縣石。烝髦應椽置。帝畿園日月。蓬塔積煙霞。咨訪傾肝膽。推褒

借齒牙。後來慙瓦礫。旁倚愧蒹葭。談論寥天一。談諧老柏槎。虛舟坦莫逆。璞玉瑩無瑕。信美陪游衍。胡爲

起咄嗟。勞歌盡鄉思。旅夢各天涯。誠厭簪紳累。難堪獄訟譁。銛笛朝插帽。貫索暮如麻。霖霖朝朝服。蝸蟻

沸尹衙。宿姦牢窟宅。弊俗費鞭撻。鯨鱣思吹絮。吳中食鯨魚鱸以楊花爲候羊羹憶臥沙。關中美羊有臥沙細肋梅林連雨熟。梨

味得霜佳。秋色城臨水。春風路入花。稻肥初斷蟹。斷蟹事見笠澤叢書桑密不通鷄。秦人謂桑密有鷄飛不過之語蹙岬浮盤芡。鉤

聯臥壠瓜。江蓴半卷葉。石蕨乍舒芽。風物隨鄉樂。山川苦道遐。若人才有裕。修己德無邪。正恐臨體牌。安

能捨鑊鄒。怒飛期寢逼。肥遯迹猶賒。不比溝中木。微同井底蛙。果能真引去。誰復強邀遮。旋結蝸牛舍。還

乘下澤車。閉門常反拒。醉幘任欹斜。林野遊如鹿。泥塗墊似蛇。故人時記憶。陽羨致新茶。

喜張聖民得登州

盡日少閑暇。中宵夢亦勞。符移空浩浩。榜楚鎮蒼蒼。敢說今求郡。翻思昔坐曹。羨君乘五馬。東去一何高。

詩寄雲夫處士老兄兼呈知府待制八丈

一鷄曾飛奏。中林下鶴書。今乘使君馬。重到逸人居。松竹過從久。閭閻惠愛餘。只應棠樹影。比舊更扶疎。

和任屯田適字元道感舊敘懷

結交英俊樂如何。風誼敦明寄詠歌。自致青雲今有幾。化爲異物已居多。積中本自沽良價。毫末安能滑至和。鄰笛不堪頻歎息。酒爐那得重經過。年華易度窗塵影。人事難期海水波。賢業著鞭猶可在。況君壯齒未蹉跎。

次韻和冲卿中秋隴月

豈無錦幄翠簾垂。匝樹明燈正赫曦。共惜月華方滿夜。更當秋色中分時。烏皮几穩風侵鬢。白玉樓高冷透肌。千里浮雲何處斷。北來試問鴈應知。

次韻和鄰幾秋雨十六韻

氣象殊朝夕。興居錯海明。混元初不宰。霖雨浩無程。墊隘寧天意。咨嗟固物情。曠暝方有望。蒼蔚已隨生。杲杲升還隱。悽悽斷復行。亂莎長被徑。荒蘚綠緣甍。轍迹康莊絕。潢汙壠畝平。茅茨不足庇。禾黍若爲成。蟋蟀頽牆泣。蟬螻壞窠盈。乘時衆鷗舞。得意怒蛙鳴。牛馬誰分異。蕭蘭已混并。居閑猶叵度。負重況遐征。舟泊川無渚。輪推路有坑。轅羹愁病婦。煬窳擁寒嬰。不妨明德神。應格至誠淳。光終下燭時。藿久心傾。

和始平公郡齋偶書二首

文武從容兩有餘。公槐將幕往來居。已安四海如三傑。欲散千金比二疏。今日監邊親跪轂。佗年入殿賜乘車。武侯暫爲蒼生起。長憶隆中臥舊廬。

平安候火出雲間。區脫無塵刁斗閑。漢相威聲遙制敵。胡兵遠迹夜開關。赤松雅意思輕舉。黃閣羣心望復還。玉帳牙旗空壯觀。謝公高興在東山。

春獵

小苑微寒春鴈飛。石關宮外草萋萋。漢家旌旆連圍合。秦國山川入望低。花色纔臨珠綴發。柳陰欲傍金隄齊。韓嫣承恩來視獸。飛塵遙出建章西。

柳枝詞十三首

煙滿上林春未歸。三三兩兩雪花飛。柳條別得東皇意。映隄拂水已依依。依依高樹出宮牆。搖曳青絲百尺長。願與宣溫萬年樹。年年歲歲奉君王。君王游豫賞青春。折柳爲笮賜侍臣。莫怪長條低拂地。只緣供掃屬車塵。屬車隱隱遠如雷。陳后愁眉久不開。楊花都不知人意。故入長門宮裏來。長門宮曉未成粧。結雨縈風蔽瑣窗。莫令透入華梁鷺。那堪負汝更雙雙。雙雙春鷺颺雲霄。楚國宮深樂事饒。會待急管繁絃際。試取纖條並舞腰。舞腰繽紛長樂東。柳閒帳飲送春風。請君試望邯鄲道。青門裊裊徹新豐。新豐道上灞陵頭。又送夫君去遠游。借問柳枝能寄否。古今共有幾多愁。

多愁尤是別離深。折條相贈各沾襟。留住不住居人意。欲去未去行人心。
行人白馬去遙遙。初上金隄欲過橋。望塵不見遮人眼。苦怨無情萬萬條。
五柳先生門乍開。宅邊植杖久徘徊。陌頭遙認顏光祿。詰旦先乘瘦馬來。
白雪雖然比絮花。豔陽不得共繁華。爲君故入烏衣巷。飛舞風流謝傅家。
宣陽門前三月初。家家楊柳綠藏烏。歡似白花飄蕩去。忍能棄擲博山爐。

上郡南三十里有相思亭在大山之麓二水所交平臯之上往來者徒習其名莫詳其義慶曆甲申歲余適延安過於其下于時夏虜梗邊征戍未息竊感東山采薇之義敍其情而愍其勞因作

五詩庶不違周公之指且以釋亭之名爾

慶曆四年作

嶺上雙流水。猶知會合時。行人過於此。那得不相思。
偃蹇登修阪。高侵雲日閒。幾人征戍客。跋馬望家山。
塞下春寒在。東風雪滿鬚。河陽機上婦。知我苦辛無。
柳似妖饒舞。花如爛漫粧。那堪隴頭水。嗚咽斷人腸。
空外游絲轉。飄揚似妾心。別來今幾日。彷彿近雕陰。

友人楚孟德過余縱言及神仙余謂之無孟德謂之有伊人也非誕妄者蓋有以知之矣然余俗

士終疑之故作游仙曲五章以佐戲笑云

神仙謂無還似有。秦漢可憐空白首。會須一蹻青雲梯。與子同祛千古疑。
仙術有無終未知。眼看白髮亂如絲。何時得接浮邱袂。滄海橫飛萬餘里。
若士此游窮地角。還食蛤蜊養龜殼。盧敖尸骨不能飛。今朝九垓何處期。
仙家不似人間歡。瑤漿琅菜青玉盤。乘醉東游憩陽谷。酒瓢閑挂扶桑木。
施師知子能操舟。穩過茫茫滄海流。白浪駕天千萬里。直令挂骨長鯨齒。
武成致齋奉酬吳冲卿寺丞大學宿直見寄二首

廣文更直太常齋。咫尺無從盡素懷。不及清風得隨意。夜深容易過天街。
雪後餘冰尙綴簷。月華霜氣入疎簾。難堪瓊玉驚心骨。坐覺清寒幾倍添。

雪中尋友人不遇

擁袖犯風雪。驅車行詣誰。朱門不可入。素友復難期。依世誠多拙。迷方忽自悲。
偏心終寡合。吾道易參差。

河邊曉望

高浪崩奔捲白沙。悠悠極望入天涯。誰能脫落塵中意。乘興東游坐石槎。

早春寄東郡舊同僚